# عاطف كمال فهمى الطبعة الأولى فبراير 2018

### بطاقة الكتاب

عنوان المؤلّف: أحاسب مين

المؤلّف : عاطف كمال فهمى التصنيف : أشعار

رقم الإيداع : 5536 - 2018

عدد الصفحات : 98 صفحة

رقم الإصدار الداخلي: 154

تاريخ الإصدار الداخلي: منتصف فبراير 2018 ( الطبعة الأولى ) الإشراف على جمعية تسهيل الطباعة الشاعرة سميرة محمودي

جميع حقوق الطبع والنشر محفوظة للشاعر، ولا يحق لأي دار نشر طبع ونشر وتوزيع الكتاب الا بموافقة كتابية وموثقة من الشاعر

# دار النيل والفرات للنشر والتوزيع

سجل تجارى: 13242

بطاقة ضريبية: 35-01-572-00031-5-165 رقم التسجيل: 2017-7 544-662-202

E-mail: alnile waalforat@yahoo.com


النيل والفرات: twitter

youtube: alnile waalforat@yahoo.com

facebook: alnile wa alforat

هاتف : 01202541192 - 01116202218 - 01202541192

رقية - العاشر من رمضان - مجاورة ١٣ - عقار ٢٠٤ - الدور الثاني - أمام سنتر ١٣



### إهـــداء

إلي من دافع عن تراب الوطن ونزف دمائة الذكية على ارضها

إلي من زرع الحب فى قلبي وكلله بحب الوطن ودافع عنه عشت تلتمس النور بقلك وضحيت بعينيك فى حرب الكرامة أهديك كلماتي إلى روحك الطلاهرة أبي الكريم ،،،

جندي مقاتل برتبة عريف / كـمال فـهمـي مـحـمد

وكل من سكن الثري من شرفاء الوطن .

السشاعر: عاطف كمال فهمى

### يارب حجه

هاحط جنيه على عشره والملم تسكرة سفري وادعي المولي بالبشره يكون الحج من قدري وازورك يا حبيب روحي واكحل بالقاء نظري

66666

والف واطوف ببيت الله واحني رجلي عند خطاه وابكي بدمعتي الجاريه من الحنيه لما ارااه واسعى في صفا ومروه

وارمي ع الشيطان جمره وبذنوبي اقف عرفه وادعي ربي يغفرلي بتوبه ودمعة الحسره

.....

هاحط جنيه على عشره والملم تسكره سفري وادعي المولي بالبشره يكون الحج من قدري وازورك يا حبيب روحي واكحل بالقاء نظري

.....

وازور قبر الحبيب وابكي واشكي واشكي بدمعتي واحكي

على حبه وعلي بعدي واطلب منه يشفعلي

......

......

واصلي ركعتين عنده وفي الروضه اكون عنده حبيبي ومسجدك بركات يا ريت قلبي يتوه عنده

وانشد للاله لبيك نعيم الكل بين ايديك يا مولانا انا بايديك وسامحني بحق نبيك بحبك يا الاه الكون وفي مكه تكون بشري

........

هاحط جنيه على عشره والملم تسكره سفري وادعي المولي بالبشره يكون الحج من قدري وازورك يا حبيب روحي واكحل بالقاء نظري

# صباح الخير على قلبك

صباح الخير علي قلبك على شموخ الشباب عندك على نضره بنات النيل وكل الطيبين منك

صباح الخضره والزرعه وحب الرمل ف القلعه ومن صلى الصلاه جامعه وعزز بالجموع جامعك

صباح الفل والياسمين

وبعد دعائى قلت امين

يهدي العاصي علي قلبك ويبقي معاكي ومطاوعك

صباح النور علي ارضك علي ترابك علي رملك علي قبر الشهيد فيكي نزفت عليه في يوم دمعك

صباحك عمره ما اتغير يخلي الكل يتحير امل عايش كفاح باقي رضاعه حب من ضرعك

صباح العند من فكرك

يحارب كل من ضدك يخلي الوحده في بدنك تنادى للي مش سامعك

صباحكم امل عشاق بلادي الغاليين علي قلبي

### جمال ربائي

مين في جمالك ياللي بحبك خنتك لما بعدت انا عنك اصل ومركز وكمان طيبه تسلمي ياللي في حبك عيشه انتى قويه لسه عافيه

اسي قويه لسه عاقيه قادره تضمي مليار قلب ولا بيهمك من اللي يعاتبك اهو شاب بيغلط من الطيشه

اللي يحبك يسمع قولك يعزف على نغمه ارغولك

يغزل علي وترك مع نولك يحمد ربه علي دي معيشه

عايش من صغري علي حبك مش وحدي اللي بيسمع قلبك قلبك نبضه بيدوي يسمع حتى اللي بيديه تطنيشه

.....

غايبه عقولنا ليه عن حبك وانتي يا بلدي جميله بقلبك لو هارسم حبك للدنيا محتاج مليون ايد مع ريشه

كل اللي ما حبك يوم نادم

.......

انه نسيكي في يومه القادم ياللي غرامك ملك الدنيا مهد حضارتك صنعت عيشه

## تربة جنه

بلاد الخير صبرتي كتير وصبرك طال غنوكى كتير ولاد النيل مع الموال لم بكيو ف يوم وهوه يوم وتبكي الارض دم رجال هيمانه الروح وكل جروح مع الابطال يا تبر الجنه ترابك حنه غني وقال لو شافو الدم نازل م القلب

يروي رمال

لو عاشو الصبر وقت الحرب مع الاندال

ما عرفو غير ضمير مجهول يهد الجيل ورا اجيال

من جيل لجيل نعلم جيل وصايا الخال

عدوك مين يا ابن النيل

غير اللي قطع الاوصال

صبرك ع الحال

وخلي الصبر ويا حبال

انا م الارض ابن الارض

ارض الحب والاشبال

في الفرقه دمار واحنا منار

عماريا بلادي انتي في كل الاحوال

الوحده قلوب تشد قلوب ما فيها محال دمك يا شهيد بيروى جنه المتعال دمك يا شهيدبيولد روح من الوطنيه فيها آمآل في جنه ربي انت تعيش واحنا نكمل الترحال في تربه جنه ناده الامه نقول لبيك يا الله على الاندال ......

# أحاسب مين

احاسب مین وشماعه نعلق فيها كل جنين وأرواح الشهيد حايمه بتسال على الناس الغاليين تقول مين اللي صايبني ومين اللي سامعلي أنين ومين اللي ساب حقي ومين اللي عليا حزين وتبكي الدمعه احفادي فى توھە

وتملا الدلتا والوادى بحزن دفين وتسالني احاسب مين احاسب خطه مظبوطه اكون في العلم ملفوف ولا ارهاب مرصدنى وفوق منى يلف يشوف ولا دعوه لشيخ تايب بترجع من السماء وتطوف ولا نفسى اللي هانت تكون للجبان قطوف

اللي هانك تحول للجبال قطوف وافوض امري للمولي واشوف الحزن مالي ألوف يا دنيا ذنبنا بيكبر

 $-\langle \langle 18 \rangle \rangle$ 

ولا دا غلط في المصفوف بلاد العزه خانوها قصاد عيني ونصب في الكماين عدو مهوش معروف وطفل لسه وليد يبكى ومش من الجوع ولا على بعاد والديه ولاكن حنيي الرأس وضهره اللى انكشف للريح ما بین شتاء اوصیف يقول مالو الوطن مخلوف انا جای بعد یوم راجل دى ساعه ف بلدى تسوى ألوف وهاكبر قبل ما يكبر

في قلبي الخوف واحاسب كل من قصر ومن لعدوي لم فسر وبكره كله يتفسر واحاسب كل من عادا الوطن وهز القلب لحظه بخوف وكل جبان قتل والدى وكل دخيل علي بلدي وكل الخائنين للأرض موضوع في كتاب معروف ويكره الجاي اهو شاهد بأن شهيد الوطن مخلوف ولسه الأرض ولاده ومن غير خوف

هاحاسب شله الإرهاب واحاسب من يحس الخوف وبكره نشوف

### امسك نفس

يا هو فلس ماشي بقلب كبير متين من القول علي النول اتهرس عقلي الكبير صاحي لمين وضمير مع فكر اتحبس

يادى العبس والمفتكس والمفترس

والخانه يك

والف عك صبح هوس

كان يا مكان ثوره وجنان

ساعه النعس



فرحه عبيطه وسط زيطه وكل حيطه بميه جرس لا علام دا نافع ولا نافع ولا نافع عاز لشاب يكون درس بصرخ واقول وقت الكلام

قالو اتخرس

احكي لمين

عاوز عنين مش نعسانين مش غاويه رقص بدون ملس يفضل في حلقي الف قول

ولا هو زور

ولا ارض بور ولا اتحرث ما بین یقین سرك یعین یا اللی هویت تفضل ونس احمي لضهري اللي اتحني واحمي الجرس

ودق فوق الراس هوس

يمكن احس باني مجنون

مسه جني واتلبس

ولا اندفن

وطلعلي ميه عفريت

وروحه بميه نفس

یا هوه فلس

في العقل والتفكير

ولا ف كلامي اللي اتلحس

قسم الونس

تفكير شيطان

نده الإدان دقو الجرس

مصر امانه واستحاله نبقي امه بدون حرس ولا شعب بدون ملس ولا نور من غير ونس ولا عقل ملان فلس الا. الفلس

### سوق المتاهه اتنصب

سوق المتاهه اتنصب رصد القلم آهات كتب الرجال سلمت والخوف من الجيات رفعو البراقع سوا وعذبو الانات راجل حبيب الوطن لا معاه ولا دولارات حتي التراب في الارض طالع يقولو هات والفقر كسر النفوس

خلي القاموس في شتات والإبجديه اشتكت عزفت علي النايات كم شاب حاله وقف كم حلم ضاع لبنات عشان ما سبنا العزيمه وبحثناع المقامات تاهت عقول الوطن من لقطه الشاشات فيه ناس تعلى الوطن وتنشر البسمات وناس تعري الوطن بالكدب والتفاهات سابو اللي ضحى بعمره

ونشرو اللي قال هات وفى البلاهة عطن وسوسه في الكلمات ضن القريب بالعون الله يكون بالعون على فكرنا الملعون ساب الوطن في عون وبحثناع الحسابات توهة ف علام لم فطن لم حس سوس العطن لما نخر في عقل الوطن خلى العقول بلاهات صعبان عليا الجدع عمال يطلع بدع

ینصب بدن کان مات رد الندا وقت البكى ولما عرفو العدا نصبوله في سوق الهات ليه توهنا وسط السوق والصوت صبح بالصوت طب كنت اعمل قوت ولا تقولش هات سوق المرؤه جبر كسر القلوب والحجر في حبه للاوطان ومهما يعلى الصوت تسمع لصوت مظبوط عشق التراب مقامات

# ذكريات تحكى

شافت فله

ظيطه ولمه

عامله هلمه جو الساحه

نادو وقالو

يا سلام سلم

سيبو البقره بتاعت حاحا

هبت شله

فيهم قله

تدعي الملا بروح وسماحه

وشاب وشابه

روحهم شابه

حلمو بدنيا تكون مرتاحه

هوبه فیه بمبه

ضربت عملت الساحه مداحه

قامت ثوره

وكانت فيه موامره

من شله عبدو النواحه

شافت فله

نبع القله بيسقي بعزيمه رواحه

شالو كراسي

وحطو كراسى

وفضلت فله بعين جراحه

تحكي تفسر

باللى تحصل

على بفره جميله ونطاحه

شافت فله ويا ما تشوف

المعروف دايما معروف واللي بيظلم يا ما يشوف دنيا عجيبه غريبه غريبه في قلب الساحه

# الدموع ما نزلاشى

ليه يا تراب الوطن ما ترتوي بدمي هاين عليك الضني ولا ما بتسمى خانو العيون ع الملا وبكو عيون امي قتلو الفرح في البلد اللي سبق سني نصبتك صوانين يا شهيد ومين عاونى واحد وكان للفرح

والتاني للدمع والنني

مستني ازفك انا والله مستني

لاكن عروسه الأرض

مش من مقام ابني

عروسته فوق ف السماء

حوريه في الجنه

نادت تراب الوطن

وترابه ما خانني

خاین یا قلب الجبان

ياللي عامل مني

بريء يا صوت الرصاص

من موت ومن دمي

دا اللي عملها جبان

خاین ومتدنی

أحاسب مين ؟! ( أشعار )

لم شاف رجال الوطن لو حاربو الجني رحمه عليك يا شهيد باب جنتك مفتوح ومستني

### <u>هـــکـــر</u>

كل العقوق متهكره كل الحروف متشفره كل الادب تحت الطلب والفرز شغال في الكرى صهيون يهكر صفحتى علشان بلاد المفخره وحقود يشفر صفحتى علشان اتوه ف المشوره وناس كتير غاويه تعب عاوز الحروف متقشره ونقول دا مين يا هل تري يا اهل الحروف السكره

يا اهل الافكار النيره شوفو العذاب والمسخره نملا كتب من دمنا نلاقيها ليه متهكره فين الرقابه ع الحروف ولا كمان متشفره عايزينها حريه وجمال عايزين حمايه موفره ابداع يكون من حينا يحمي ضهورنا من ورأ دي حرب فكر لجيل جديد ثوره بتصنع ملحمه مقدره

.........

# یا ابن ادم

یا ابن آدم فرحان بنفسك بتكتب ليه جواب وف النهايه تقطعو بتصنع ليه في غابه وللعمل بتضيعو بتغيب ع الانسانيه وتيجي هي تودعو فرحان بنفسك تنسي ان اصلك ايه یا تراب وربی مصنعو تتغر اخدت ایه

هتعود تراب لموضعه تملك ملكت ايه دا الملك لله رجعه

عایش طب قد ایه

شوف اللي قبلك ودعو

فرحان بنفسك

عملك روح بص فيه

تتجازي بيه يا عامله

لو كنت عملت خير في دنيتك

روح كمله

انت هو انت ایه عبد لربك

والعلوم من منبعه

واصل طب قول لفين الوصل

ربك واصله

```
توصل للجنه ولا لغيرها
          ربك عالمه
       فرحان بنفسك
       ............
```

# مين طفي الشمس

الشمس مطفيه ولا احنا طافيناها حاسس بنورها بس ومش فرحان بروياها مش كل شمس بتنطفي مش كل نور بيختفي دا الشمس عاليه ماتختفي لاكن حلاوه شمسنا ان احنا قيدناها بايدينا ورد الجناين اللي فتح في جناين مصر مش هایتنسی

قايد شموس الحريه لكل وقت وعصر الشمس ساطعه حتي لو في الأمس ما تشوفو نورها جاي ومش بالعكس

فهمتو ليه نور النهار بالشمس ؟؟؟؟ فهمتو ليه حلم الشباب بالعكس ؟؟؟ فهمتو ليه كل الكلام بالهمس ؟؟؟؟؟ فهمتو ان النفس مش بالنفس ؟؟؟؟؟ فهمتو كل شيء غلط محصلش؟؟؟؟ حلم شمسي عاش هنا

ما متش

احنا اللي عايشين نطفي

كل شمعه نورها لسه ما قادش

والشمس طافيه

وشمسنا ما مشتش

عايشنها

حاسينها

سامعينها ولو بالهمس

عيشو في نورها

متغمضوش ولا تحجبوش نورها

الشمس طالعه منوره

والناس بتنظر عندها بالعكس

..........

# دندنه صعيدي

فرحه

دا هوه مالي اعيادي

من الدلتا الى الوادي

يفيض من قلبي لاحفادي

بروح العيد وينادي

على الازماااان

..........

دا كفي وفاض من اكفافي

دا خارج مني بشفافي

ينادي الخير باعرافي

يخلي قلبي مش جافي

على اللي جفاااان

دا في قلبي ورباني ومزروع زي ابداني لكل الناس وعرباني سيول غطت وبأماني على الحقدااان

......

سيول الحب لا تقفي كتير احزانهم تكفي يريدو الحب من كفي رسايل قلبي لا تطفي بليل ونهاااااار

.....

غریبه الدنیا یا احبابی بتترك ضیف علی بابی

```
يدوق الحب باسبابي
ولو انا دوبت بعذابي
      اكون فرحان
         ......
```

#### مجند

اهداء لرجال الأمن والأمان خدي ع البعاد اصل البلاد محتاجه كام راجل واهو جه ميعادي اسد ديني واقوم بميه راجل لازم قوام ابقي هناك ساعه الميعاد بالامر ف العاجل

.....

روحي تهون من غير ظنون وشايلها على كفي عمري اللي راح ولا اللي جاي لبلادي ما يكفي

فرقه ولادي مكتوبه ليا يا دمعه لا ترفي

ارض الجمال ندت الرجال

زي الحمام زاجل

.........

خدي ع البعاد اصل البلاد

محتاجه كام راجل

واهو جه ميعادي اسد ديني

واقوم بميه راجل

لازم قوام ابقى هناك ساعه الميعاد

بالامر ف العاجل

.....

لو موت على ارضك شهيد

خليني ذكراكي

- $\langle 48 \rangle$ 

أحاسب مين ؟! ( أشعار )

وان عشت ويا جبال مع الابطال ابدا ما هنساكي

لو ما فديت بلدي بعمري

ازاي انا اهواكي

انتي الامل انتي الحياه

وبلادي فاكراكي

.........

خدي ع البعاد اصل البلاد

محتاجه كام راجل

واهو جه ميعادي اسد ديني

واقوم بميه راجل

لازم قوام ابقي هناك

ساعه الميعادد بالامر ف العاجل

......



#### رحسايسه مسصسر

...........

وحيده واحنا اهو جنبك وشايله حملنا وحدك رحايه الصبر في صفك بتطحن كل عدواناااااااااااااا

.....

انا لو جوعت يوم بشبع علشان من ايدك المنبع

ولا يسأل وعايش ارتع ف حبك عاشو خلانااااااااااي

.....

تلفي رحايه الدنيا

تصفي الحب يا غاليه

بغیر من حب ناس تانیه

.....

تعيشى وتطعميني الخير

يا امى يا عاشقه للغير

ومن ارضك نغيب ونطير

ونرجع تاني في ثوانااااااااي

......

رحايتك مصنع الرجاله

يا مصر تدومي بالرجاله وايدك وكلت رجاله يا خيرك ياللي سمعانااااااااااي ...... بحبك يا بلادي

# شفيعي

ما غبت عني ونورا في محياك كل الهوي زورا وعشقي عند رؤياك كل الهناء زورا وفرحي حين اهواك عيوني كلها شوقا ستبحر حين تلقاك ساشكو علة القلب بحب كيف ينساك ذنوبا كنت احفظها سامحيها لرؤياك

نسيت الذنب والعاصي لنورا شع بثراك فما ابهي لقاء الروح حبيبي نبضي لذكراك حبيبي نبضي لذكراك فلا عندي دموع العين ولا قلبا لينساك ذابت دموعي مع قلبي مع جسدي فما سمعت مني سوي همسا لنجواك أه حبيبي ليتي اموت وف الجنات القاك

## مديح

اعيش في كنف اللقاء متيما والحب منك وانت خير معلما شفيعنا المختاريا نور التقى العشق زال وعشقكم هو قائما الروح تسرى ليلها لتراكم تشم عطر هواك تبقى حائمه الجسد نام على التراب بنفسه والروح لن ترجع ستبقي هائمه اسفى على عمرى الذى امضيته دون الهوي في حبكم هو مغرما اسفى على قلبى الذي قد نبض يوما دون حبا في هواك مسلما

مددا لحبك يا حبيبي ف الهوي مددا لحبك اني لا اخشى لحبك لائما حبيبي حبيبي حبيبي رسول الله حبيبي حبيبي حبيبي نبي الله صلو عليه وسلمو ومن هواه تعلمو ...........

# حالــه ملل

عندي حاله ملل واديت نفسي اجازه وهصفي زهني خالص للجاي والمحتمل وهاتابع من بعيد في كل شيء جديد مش هابعد عن حبایبی علشان يفضل امل مش اسیب قلمی یعافر ولا هانسي كل نافر وهادعي للمسافر يرجع يبدا عمل

مش هانسى يوم بلادي ولا يوم هانسى الاعادي علشان تفضل ولادي مش حاسيين بالملل يا حب انا مش ناسيك هاكتب علشان عنيك انا اصلى عشت بيك من غيرك هاتعدم يا ملل مالك ومالى كنت مخاصمك في حالي تصالحني ازي حالي اللى يصاحبك ندم طیب یا ملل یومین مش اكتر لو سمحت

وكفايه تكون معين ع النوم وع الكسل علي حالتي معاك كتبت يمكن ما اكونش عبت والعيبه مش ف صالحي عايز صبر الجمل فيه ناس ملت ف غربه وناس ملت ف صحبه وناس ملت عمل وانا مليت الملل ..........

## غـجـري

ابين زين واخط بالودع ابین زین ابین بيضه ع الكريم سوده ع اللئيم واللى ما قراء عندنا اتعلم نضرب الرمل ونكشف المستور واللي عادكو يغور فيه القدر علم واديني كفك يا بهيه وارمى بياضك يا صبيه عنادیه لیه عنی شقییه يمكن بكفك نتعلم سكه سفر وسنين ملايين

وصبرتى ياما على الغاليين والانبياء ليكي داعيين بخت اللي ربي عليه سلم خلفتي كام مليون راجل فیه ناس کتیر عایزه تتاجر وكله واصلك ف الزاجل وبرضو ليه غاويه تسلم شبتى وقلبك ما شايبشى وصباكى عندك ما سافرشى ليه العقول عنك تمشى والندل قاعد ومبلم حاسدين ولادك ع العيشه قال ایه صفوفهم ع الریشه ولا عاشو فيكي وشافو عيشه

ولا سمعو قلبك يتألم شايفه وعينك شوافه وعلى العروبه خوافه باولادك انتي صفافه وقت العداء لا بتسلم خيرك ورايح على غيرك ويقولو فقرك جاب ضيرك لو شافو خيرك مع طيرك كان الحمار عدي وتمم لا تخافى شعرك هايصبى وبالفرح تيجي و تصبي مدام انتى لسه بتتحبى كفك ملا كفي وسلم غجرى ومن حضنك جيتك

وقریت لکفك حبیتك بینت قلبك ما داریتك ولسه منك هاتعلم

# فاصل وتواصل

البشر عملت تواصل وانتو بتعلو الفواصل يا عرب ايه اللي حاصل عشنا في سجن الحدود ...... بالتواصل عملو فاصل والفواصل سد فاصل قتلو فينا حلم واصل نبقى حزمه بالف عود ...... هو نهر النيل زياده

هو نهر انتین ریاده ولا نفطك قهوه ساده

ولا اصلا دیا عاده ودي وراثه م الجدود ...... لا تنادو بالخلافه احنا مش زمن الصحابه بس فين الصحبه كافه فين عمر عدله يعود ................. خلى عقلك ف التواصل شوف بتبقى فين فواصل غير علي قطعان غنم او على اشبال اسود

يا عرب الوحده راجعه

.......

بس محتاجه لمراجعه ننسي فرقه وكل فجعه والمراجعه تكون صمود

......

شوفو فينا كل فرد ويا حد ومين هيبقي هو ضد ويا ضد ومين هايقتل حلمنا ويقوم برد تعرفو ايه التواصل ف الوجود

يوم ما نبدا في التواصل نجتمع يومها بس لبعضنا راح نستمع مش هنشكي الفرقه ولا ننقلع ولا هانشوف حد ميت ع الحدود

.....

فاصل وتواصل لكم محبتي

# حبيبتي سامعاني

بنادي تردي وبسمع نداكي وبسمع انينك وبسمع غناكي وتبكي عنيا اذا لم تراكي يا غاليه عليا اليك الغنا،

عشقتك صبيه

عشقها الصبي

ونمتي بعنيا

ولم تذهبي

وشفتك بريه

لربي البري

انا بعشقك

وي



بكل المني

وانادي وتردي وبسمع نداكى

وبسمع انينك وبسمع غناكي

وتبكي عنيا اذا لم تراكي

يا غاليه عليا اليك الغناء

تضمي ف حضنك

ولادك قوي

وعزمك وبدنك

وجيشك قوي

وكل الاعادي

يخافو قوي

بتطوي الاعادي

ولا تنطوي

وعايشين ف خيرك

حبيتي انا

وانادي وتردي وبسمع نداكي

وبسمع انينك وبسمع غناكي

وتبكي عنيا اذا لم تراكي

يا غاليه عليا ويا ملحمه

.....

تادن جوامع

ترن الكنايس

وذره ترابك

لها الف حارس

بكلمه بحبك

تلبي الفوارس

عروبه اصيله

لكل اللي دارس

**₹**70>>×

أحاسب مين ؟! ( أشعار )

ولو تصرخي تصنعي ملحمه

.....

وانادي وتردي وبسمع نداكي وبسمع انينك وبسمع غناكي وتبكي عنيا اذا لم تراكي يا غاليه عليا اليك الغناء

#### صدقوه

صدقوووووه كل عالم حر فينا صدقوه ولو نسيب الحكمه منه راح نتوه فيه بلاده وفيه شماته وفيه مغالطه بتبقي ورطه فى اي فرطه خيال مأته ناس بتشغل في الثواني الف عقل باي شكل وكله ماشي واللي ناشيء مش مفكر

اصله من صغره تعكر من الشاشات والف شات والمباشر واللي ناشر واللي بالاخبار دا فاشر

لوثو حتي الغسيل والمناشر

موضه ماشي

سوشي ساشي

واللي ما يقهمش فاشي واحنا فين العقل زينه

انسي كله وروق يا خينا

حتي كلمه من مسلسل

علموها لطفل مثل

قالها ليا ابنى فسر

والقاموس بقي بالفلوس لما تاه من النفوس خلص كلامه وتبخر واستكنيص جوه بيتك علق الواي فاي في غيطك غير الاسم ف شهاتك زيد على الانترنت صيتك وانسي حلمك ليه يغمك مين شهيد وفین ولید وامتی عید ما اهو انت لابس في الجديد عيش بليد

في التي في كله صح

وانت بح

صفر مكتوب ع الشمال

بس عيش ابو العيال

والمحال تبقي فاهم

وان فهمت تبقي واهم

تبقى فايز ف السيجال

كل واحد ويا حد

جاهزله ضد يقول محال

ولا دا استهبال

والبهايم هزو روسهم

ع المخاول بالحبال

وصبح عداله

واعتدال

صدقونى وصدقوه

لو نسيب الحكمه منه راح نتوه ......

### الف باء تاء حا

الف باء تاء حا حلوه الورده بعد نماء بعد تعبنا ف ارض فضاء بفيت خضره ونسمه هواء تحت الضله ماشي الماء خد من ربك ما بتشاء خاء جيم ذال دال على الخير تفضل دائيما دال تبقى العيشه عال العال تلقى المر لوحده انشال زي الغنوه مع موال ف غيطان الخال

عین غین سین وشین عمرنا ما انشقينا نصين فينا الغنى ماشى بلموزين وفينا فقير ماشي برجلين بس قلوبنا واحده وصادقه عاشقه وطنا زي الدين هو دا عشق المصريين صاد ضاد فا قاف قالى ابويا اوعى تخاف لسه في بلدك عمر عجاف لاكن بعد الضيق الفسحه قلبك ليه ع الكل رهيف لينا رب لطيف شواف كاف راء زين لام

خليك راجل تبقي همام تسأل عن وطنك ما تلام خليك زي نسيم الصيف تفضل طاير ترمي سلام تتحقق بيك الاحلام واو یا کل هجاء يحكى عن وطن النبلاء يحكى قصه كل بلاء نسمع كدب نقول كداب بلدي عظيمه في الاجواء ذاكر تنجح الف ياء كل حروف الدنيا بتشهد میم صاد راء داء لعداها ولاولادها هي دواء

### عاشق ترابك

تعبان وشايل حملي على اكتافي وزي ما انتي شايلاني على اكتافك انا كسرو مجاديفي وانتي مين اللي كسريا حلوه مجدافك مين اللي كسريا حلوه مجدافك العمر راح مني ولا راجعشي وانتي لسالكي صبيه وشها مكشوف زرعت ارضك بدار والزرع ما طلعشي ويا حلوه الحلوين مين فينا ما نفعشي

انا اللي شاهد علي دمعك مع خوفك وانا اللي محني كل يوم بالدم دي كفوفك

............

ضهري اتحني والعين ما بتشوفك انا المواطن وانتي دا الوطن والام لو كنت همك زيحي عنك كل هم وغم انا راضي عنك لو هادوق السم بس ارضي انتي وخرجي بعدي اللي ما طلعشي

......

كل الحضاره والتاريخ كتبو على جبيني صابر لاني ليل نهار مفتحه عيني لا عيوني مره غفلت ولو غفلت يشيلو تكويني عهدي اللي فات انا فوزت فيه بالسيف ونصري في ساعة العبور من حب قلب شريف ومين زرع في ارضنا الفرقه والتخاريف لو كان علام ياريتو ما يتمر

وان كان عدو يبقي انتي ما فهمتيش

ماشيه بستر المولي ليكي والعدو غدار حالف يولع نار والف بيصنعو في شرار لسه الغباء مالي العبا وساكن في كل جدار سلسال في دمك ولا انا تهت في ترابك انا راضي ابقي محني علي اعتابك بس ابقي علمي قبري ودلي احبابك عاشق وعشقك جبل شيلي اللي ما طالعشي

## فتح عينك

فتح عينك ع المزارع واللى زارع والنفوس ع المدارس واللى دارس والدروس ع المصانع واللى صانع والتروس واللى عامل ظيطه واللى بيهدى النفوس واللي عايز يشتري كرسى بفلوس

واللي عايش ع الوطن

عاله ومالوش واللي شتت شملنا بخيار فأقوس والفقير الحر والناس اللصوص واللى عايزنا نغير ف النصوص واللى حوالينا وعايزنا على الاشواك ندوس واللى كبرو ف حجرنا وبعتو التيوس واللى م البترول بيفرك ف الفانوس واللى فاكرنا جياع

ونسى الفوؤس

فتح عينك،،،،،،،

ع العدو

اللى فاكرنى نسيتوه

اللى فاكر ان بيتى

هو بيته

واللي عايش وسطنا

وبيروى غيطه

والولاء مش للوطن

او حتى بيته

فتح عينك

ع الصحارى واللى فيها

والجبال اللي عليها

والرمال اللي عاددها

والموارد تايهه فيها والهرم والنيل وشعبه كلهم دول تحت عينك واياك يغمض جفن عينك فتح عينك

# الأوبرت الشعبي (قطر الحياة )

مسرح العرائيس قطر الحياه قطر الحياه توته قصه وحدوته شايل ف قلبه كتير وحكاوي مظبوطه بين النهار والليل دمع الضني بيسيل زي الفرح والويل في دنيا مخلوطة شوف العجب الوان

واقع كانه بيان

انسان وجار انسان

في القلب حدوته

توت توت

يلا بسرعه القطر هايمشي

أنا قولتك قوم ما تنامشي

قبل الزحمه روح الحق كرسي

أنا تعبان فين الواد مرسى

أنا هنا يا ابا حاجزلك كرسي

طب قعدني مش قادر امشي

وسع یا عم وسع

عديني أنا مريض

ما تعدي يا عم عدي

اصل الزحام شدید والبیاعین بیمشو وکأن الدنیا عید طب حبه بس وسع أسند علی الحدید دی کان الدنیا عید

حاجه ساقعه واشرب

روق الأناني بوق منها يطرب تبقي شكل تاني اديني قوام ازازه بس تقولي بكام يمكن تقول بعشره

وانا عارفك بالتمام خلي عنك يا اخينا دا المولي اهوه فوقينا معاناع الدوام وروق يا ابن جلدي الروقه مش بكام

حاجه حلوه غمس بتلاته جنيه يا باشا وسع يا عم تيرمس دي احلي م البغاشا اديني رغيف وزود في الملح عشان جعان دي القمه لو ما تعجب

هاتسد جوع جعان تعجب یا عم مالك هو احنا مش تمام مطرح ما یسري یمري وان انشالله تجوع كمان

ان شالله تجوع كمان

شايه شاي وصايه

بيعدل المزاج

السخن اهوه معايه

يا صاحب المزاج

طب صب یلا حبه

وتقل العيار

دي الدنيا عليا صابه

وف راسي طاحون غبار

صبيت لك شد شفطه

وادعيلي بالعمار

ومین یشرب زیاده

دي الميه ولعه نار

وبجد مش هزار

نمدح النبي

طب سقفه للنبي

تعالا سمعنا

بكلام وله معني

وادعي ربك فوقينا

يجمعنا بالنبي

موال

يا رب حج البيت

يجمع محبينه

وتزور حبيبي النبي

احنا ومريدينه

الله

تستاهل الفكه

ما دام انت مش سکه

دا جمال حبيبي النبي

منور السكه

ومزود الفكه

رجليا تعباني

ريحنا يا دفعه

تعالا خد مكاني

والحسنه دي نافعه أنا جاي من الخدمه بعزنها خدمه تسلم يا روح جيشنا هو انت من قبلي

صعيدي من دشنا

بسكوت مع السجائر ومعايه لبان كمان تروق اللي حاير في الدنيا والزمان طب هات أنا اعفر ممنوع هنا تعفر

القطر بيصفر

### وخلاص يا حدوته


#### طب هاتلي بسكوته

يا وابور السكه ال ماشي ياللي شايلني في الحديد هتشيل من قبلي لبحري وترجع بيا لبور سعيد توصل بسلامه يا غالي تحفظ بلدي وعيالي يا شاهد ع اللي جرالي شاهد والله شهيد يا مكانى ف يوم العيد

## محتوى الكتاب

الصفحة	المحتوى	م
2	بطاقة الكتاب	#
3	اهداء	#
4	يارب حجه	1
8	صباح الخير على قلبك	2
11	جمال ربانی	3
14	تربة جنة	4
17	أحاسب مين	5
22	امسك نفس	6
26	سوق المتاهه اتنصب	7
30	ذكريات تحكى	8
33	الدموع مانزلاش	9

36	هکر	10
38	ياابن آدم	11
41	مين طفى الشمس	12
44	دندنة صعيدى	13
47	مجند	14
50	رحاية مصر	15
53	شفيعى	16
55	مدیح	17
57	حالة ملل	18
60	غجرى	19
64	فاصل وتواصل	20
68	حبيبتي سامعاني	21
72	صدقوه	22
77	ألف باء تاء حا	23



80	عاشق ترابك	24
83	فتح عينيك	25
87	الأوبريت الشعبى قطر الحياه	26
96	محتوى الكتاب	#